
“Саломатлик сайили” соғломлаштириш тадбирлари давомида 500 нафардан зиёд фуқаролар тиббий кўрикдан ўтказилди

Соғлиқни сақлаш вазирлиги ташаббуси билан айни кунларда республика бўйлаб “Саломатлик сайиллари” тадбирлари ташкил этилмоқда.

Ушбу тадбирлар давомида аҳоли республикадан келган малакали мутахассислар ҳамда маҳаллий шифокорлар иштирокида чуқурлаштирилган тиббий кўрикдан ўтказилмоқда.

Учкўприк туманидаги “Булоғли боғ чиройи” сихатгоҳида “Саломатлик сайили” тадбири бўлиб ўтди. Сайёр тиббий кўриққа республика ва вилоят ихтисослаштирилган тиббиёт марказлари ҳамда даволаш-профилактика муассасаларининг етакчи шифокорлари, тор доирадаги мутахассислари жалб этилди.

500 нафардан зиёд фуқаролар иштирок этган “Саломатлик сайили” давомида УЗИ, ЭКГ текширувлари, диагностик текширувлар, даволаш-профилактика тадбирлари ўтказилди, шунингдек саломатлик мавзусида маданий-маърифий ва спорт тадбирлари ҳам ташкилланди. Текширувлар натижасида 241 нафар фуқарога амбулатор муолажалар белгиланди, 27 нафарига стационар даволаниш учун йўлланма берилди.

2023-04-25 17:12:12